



ДАГЫСТАННЫ КҮҮМУКЪ ТИЛДЕГИ ЖАМИЯТ-ПОЛИТИКА ГАЗЕТИ

10 ЯНВАР (АЮВЯТГАН) 2025 ЫЫЛ №1 (15436)


МИЛЛИ ТИЛЛЕГЕ БЕРИЛЕГЕН ТЕРГЕВ АРТАЖАКЪ

Орус тилни ва РФ-ни халкъларыны тиллерин якълавгъа къарайгъан совети бизин улкени гъукуматы булан бу йылны июн айыны 1-не ерли Россияны тил политикасыны күрчюлерини гесимлерин гъазирлемеге тарыкъ. Кремльни хас сайтында РФ-ни Президенти Владимир Путинни шолай тапшуруву малим этилген.

Эсгерилен шо тапшурувну яшавгъа чыгъарывгъа РФ-ни Президентини маданияттъа къарайгъан ойчусу Елена Ямпольская ва премьер-министр Михаил Мишустин белгиленген.

Шондан къайры да, бу йылны май айыны 1-не «Россия Федерацияны тиллери гъакында» деген федерал законну проекти гъазир этилип, Пачалыкъ Думагъа ийберилмеге тарыкъ. Шону булан бирге, Россия Федерацияны халкъларыны тиллерини пачалыкъ сиягъын онгармагъа; шо тиллени даражасын, олай да Россия Федерацияны халкъларыны тиллерини ва бизин улкени пачалыкъ тили гъакындагы законланы бирче иш гёрювоню гесимлерин тасдыкъ этмеге тапшурув берилген.

Шо тапшурувну яшавгъа чыгъарывгъа да РФ-ни Президентини маданияттъа къарайгъан ойчусу Елена Ямпольская, премьер-министр Михаил Мишустин



ва РФ-ни Президентини Администрациясыны ич политика гъакында управлениесини ёлбашчысы Андрей Ярин тергев этежек.

НАСРУЛЛА БАЙБОЛАТОВ.

«БАТЫР-БРОЙЛЕР» ИДАРАНЫ ЦЕХИ ЯЛЛАГЪАН

Хасавюрт райондагы элге айтылгъан «Батыр-Бройлер» деген күш фабрикни эшилмеген, шону берекетли тавукъларыны татывун сезмеген гиши де къалмагъандыр.



Алдагы гюнлерде шогъар от тюшүп, инкубация цехинде ги бек багъалы ясандыривлар яллап, шайлар зарал гелтирген. Шону натижасында нечесе миллионлагъа зиян болгъан деп билдире Дагыстан Гъукуматыны прес-күллугъу. От тюшмекликке тетиги буланғы

төллөр себепли болмагъа ярай деп ёрала. Фабрикни ёлбашчысыны билдиривюне гёре, шондагы бары да къуралушлар, коммуникация къуллукълар аманлыкъыны талапларына гёре юрюлген.

Тийишли къурумлар ахтарып, неден яллагъаннан мекен-

ли күйде токъташдыражакълар.

Январ айны 8-нде Дагыстанны Гъукуматыны Председатели Абдулмуслим Абдулмуслимов шо цехге барып, ичинден айланып, тергеп чыкъгъан, ону генеральный директору Аштар Батыров булан лакъыр этген.

— Биз бу масъалагъа байлавлу, цехни не къайдада янгыртмагъа, кёмек этмеге болагъаны гъакында касбучулар булан гъакълашажакъбыз. Ювукъ арада Россияны юорт хозяйство министерлигини вакиллериине бу ишни гъакында англашып, енгилликleri булангъы кредитден пайдаланма болагъан имканлы ёлларын тапма къаражакъбыз, — деп А. Абдулмуслимов белгилеген.

А. Батыров билдириген күйде, янгыдан бары да тарыкълы ясандыривланы да алып, бу фабрикни аякъ устгеле тургъузмакъ учун 6 айдан 12 айга ерли заман тарыкъ. Яллагъан инкубатор бир йылда 30 миллионгъа ерли жижеклер чыгъара болгъан. Шо цех къуралгъан ерни майданы 600 кв. метр болуп токттай.

БИЗИН МУХБИРИБИЗ.

ГЪАРАБАТЫМ СИЗГЕ
ТАБА ГЕЛЕ ЭДИ...



4 БЕТ.

ОЫР ОХУВ ОЖАКЪНЫ
«КЪАЙНАЙГЪАН
ОТАВУНДА»



6 БЕТ.

ЗУЛЬФИЯ ХАБИЛОВА:
«ЯШЛАР ЯНЫМА
КЁМЕК ИЗЛЕП ГЕЛЕ»



8 БЕТ.

ЖАМАЛ ГЪАЖИГЕРЕЙ:
«АНАДАШ ЕРЛЕНИ
САГЫНАМАН»



9 БЕТ.

